

8 MAC 2018

Penagih mohon bicara

42 setempat 08-03-2018



MOHD Saiful mengaku tidak bersalah di Mahkamah Sesyen Kuala Terengganu atas pertuduhan memiliki heroin seberat 6.91 gram.

Kuala Terengganu

Penagih mohon bicara

Seorang lelaki mengaku tidak bersalah di Mahkamah Sesyen di sini, semalam atas pertuduhan memiliki heroin 6.91 gram.

Tertuduh, Mohd Saiful Nizam Saad, 35, dari Bukit Payong, Marang menganguk faham sebelum mohon dibicarakan ketika pertuduhan mengikut Seksyen 12(2) Akta Dadah Berbahaya 1952 dan boleh dihukum mengikut Seksyen 39A (2) akta sama, dibacakan di depan Hakim Rofiah Mohamad.

Mengikut pertuduhan, tertuduh didakwa memiliki heroin terbabit di sebuah rumah di Taman Safiah Murni, Bukit Payong, Marang, jam 3.20 pagi pada 11 September 2017.

Bagi kesalahan itu, tertuduh berdepan hukuman penjara tidak kurang lima tahun atau dipenjara seumur hidup dan diwajibkan hukuman rotan tidak kurang 10 sebatan jika sabit kesalahan.

Sejurus pengakuan tidak bersalah tertuduh direkodkan, mahkamah menetapkan 24 hingga 25 April dan 14 hingga 15 Mei ini sebagai tarikh sebutan semula kes.

Mahkamah juga tidak menawarkan sebarang jaminan terhadap tertuduh. Pendakwaan dijalankan Timbalan Pendakwa Raya, Marsilawati Mohamad Shah.